

桂平縣志卷三

紀地

沿革

志地首問沿革沿革明則歷代分合同異範圍廣狹劃然可辨而後政治布施人物生產或留或去得其標準舊志於此載有專篇而頗嫌疏略且布山之屬於桂平非屬於貴縣未能證明又縣治實在城西而誤在今縣治此其疏也今本原文增修為正其誤而補其所未及斯亦鉛槧中常事非敢以後學輕議先賢也

桂平歷代地理沿革如下

桂平縣志卷三

紀地 沿革

唐虞

三代 屬荆揚徼外以上袁舊志

七國 越為楚所滅諸族子分散江南海上各稱君長號百

粵時縣屬在內以上舊志據

秦 始皇略定揚越謫戍五方南守五嶺後遺任囂攻取陸

梁之地遂平南越為南海桂林象郡縣屬桂林本史記及通典

二世末趙佗據南越并擊桂林象郡袁舊志縣屬南越所有

漢 高帝遣陸賈使和輯百越武帝元鼎六年置蒼梧南海

七郡鬱林與焉本袁舊志外有蒼梧交趾合浦日南九真為縣十

二一布山二安廣三阿林四廣鬱五潭中六臨塵七雞為

定一周八增食九中留十林四林十領方十二雍雞

布山阿林據漢書地理志按漢鬱林郡屬交州

附攷

袁陔業志云治為布山或云布山乃貴縣地惟阿林為桂

平今縣治乃布山遺蹟矣按袁志漢布山廢縣下云舊志謂即桂平縣署地年代荒遠徵

信無從存而不論可也則此袁志所云實沿吳志之舊特未標注出處耳

貴縣志光緒癸未布山縣考云漢鬱林郡本秦桂林郡地

元鼎六年開郡更名鬱林今潯州府貴縣即郡治領布山

今貴縣及桂平興業地阿林今桂平中留後作溜今武宣縣地等十二縣後漢

因之惟領少雍鷄一縣歷吳晉宋齊皆沿襲郡名治布山

及梁始易郡置定州後改南定州領縣三治布山今貴鬱

桂平縣志卷三

紀地沿革

平今興業縣阿林今桂平陳仍梁制隋平陳廢郡改為尹州大業

初改為鬱州旋復為郡廢武平龍山懷澤布山四縣入為

郡治今貴縣考其時尙領有阿林一縣今桂平據此則布山當

為鬱林郡治即今貴縣而阿林今桂平乃鬱林郡屬邑也故輿地

廣記載桂平縣本漢布山縣地鬱林郡所治也猶之興業

縣亦載布山縣地其地同歸布山管轄實非布山舊縣水

經注云鬱水東逕布山縣北鬱林郡治也又東入阿林縣

潭水即今桂平北江注之則布山附郡在上流而阿林在下愈

覺曉然蓋布山之在鬱林郡治譬今之府城首邑後割布

山地併阿林為縣而舊名亦屢易然古鬱林郡既在今貴

縣治則舊布山縣卽在今貴縣治若徒以布山之地而論又不獨桂平一縣爲然耳廣西通志載郡縣沿革布山縣之下皆分注貴縣及桂平興業縣地此一証也又通志沿革表於貴縣之下大書布山縣者五均注鬱林郡治而桂平縣之下分注布山縣地者四而阿林縣則大書直書焉古人詳爲分別若此似不爲無見雖通志撰於前明而廣西郡邑圖志宋李上交著早見於宋史其時去古未遠圖籍堪稽後人慎勿執臆見而曰訂古人之誤可耳按今貴縣城在鬱江之北唐代遷建者舊鬱林郡城在鬱江之南漢陸續所築故水經注載鬱水東逕布山縣北云云夏府志云桂平本漢布山通志乃繫於貴縣謹案貴縣於

桂平縣志卷三

紀地 沿革

三

粵東編譯公司承印

唐爲貴州新唐書貴州理鬱林縣舊唐書理鬱平縣通典寰宇記廣記紀要諸書皆以爲漢廣鬱縣地則貴縣原非布山惟陸續顯朝岡在鬱林縣北二十里元和志寰宇記載之似郡治又在今貴縣然舊志縣南有鬱林故城相傳爲吳陸續太守所築在紀要旣以爲未足據至嚴子進補志并以布山繫鬱林州下則更混入今鬱林矣嘗攷通典桂平漢布山縣地舊唐書寰宇記廣記桂平漢布山縣鬱林郡所治紀要桂平漢布山縣鬱林郡治此一統志布山廢縣在今府治西五十里則亦桂平地是諸書皆以桂平爲布山此外屬布山地者惟平南之大同陽川二舊縣見

於元和志他無聞焉蓋大同陽川仍與桂平之宣鄉接壤於貴則不相屬也而通志云爾者殆因隋廢布山武平入鬱林縣而誤及與

按漢代布山爲今桂平非今貴縣布山治在縣西五十里一統志及方輿紀要皆言府西府西卽縣西以縣爲府之首邑也以五十里計之蓋卽趙里之古城古城東距城三十餘里云五十里者蓋据明代塘汛里數當時每十里值今七里也非在今縣治袁志以爲在今縣治實沿吳舊志之誤未加攷正辨見卷二十古蹟內漢布山廢縣條下茲不暇論惟貴縣志以貴縣爲漢鬱林郡治布山爲漢鬱林首邑卽今貴縣而以阿林專屬桂平其說亦本於通志通志之誤夏府志

已辨之於前而詞有未盡又貴縣志據水經注云鬱水東經布山縣北東入阿林潭水注之潭水卽今桂平縣北江則布山附郡上流而阿林在下愈覺曉然云云攷水經注作於酈道元在通典寰宇記新舊唐書之先若未辨其援引之誤則貴志証据爲強而布山爲桂平之說難信夫欲明布山非貴縣第一當知漢鬱林郡治不在今之貴縣攷貴縣爲漢之廣鬱非爲鬱林夏府志已舉新舊唐書通典寰宇紀廣紀紀要諸書以爲証無庸再辨第二當明興業非布山縣地若興業爲布山縣地則貴縣之爲漢布山縣治猶爲近似然興業置於唐朝

而新舊唐書及杜佑通典俱未言其爲某代某地後出之書定爲布山縣地果何所本況輿地紀勝並以興業爲漢廣鬱縣地理韻編亦依之據此則貴縣志以桂平不過爲漢布山縣地實非布山舊縣而欲舉興業爲例其說可破第三當知貴縣志引水經注有二誤一刪截注文之誤按水經注原文云東逕布山縣北鬱林郡治也吳陸緒謂子績曰從今以後六十年車同軌書同文至太康元年晉果平吳又逕中留縣南與溫水合又東入阿林縣云云攷中留卽今武宣見李兆洛地理韻編溫水亦兼稱鬱水並見水經注細玩注文鬱水旣先經中留縣南武

桂平縣志卷三

紀地沿革

五

粵東編譯公司承印

宣在桂平東北桂平在武宣西南似當爲中留縣西南徒言南或省文約略之詞乃東經阿林則

其地當在今縣東軍陵里東塔之上下爲鬱水別稱至

於阿林則在今縣南東達於吉一二里北臨大江據寰宇記阿林

在潯州東南百二十里而隨之皇化唐之繡州常林諸郡縣俱其遺地見新舊唐書及通典地多在今縣南皇化在今軍陵吉一二里之間詳後隋唐及卷二十古蹟據此則所謂逕中留縣南與

溫水合者言鬱水流經今北江之下東塔之上也所謂

又東入阿林者由東塔以下流至吉二里也由此而推

則所謂東逕布山縣北非貴縣之北乃今縣治之東南

嘗以行舟所經按之新刊廣西輿地全圖鬱水至貴縣

後卽向南流迨及桂平縣境則折而向東復北趨縣之

東南與黔水合以水經注文証之曲折相符貴縣志乃刪去原文吳陸績以下三十九字於是讀者不知其間有逕中留縣南與溫水合一語徒以東逕布山縣北鬱林郡治也東入阿林潭水之十九字爲據遂妄以潭水之西卽爲阿林恰當今桂平阿林之西爲布山恰當今貴縣其誤一二不攷僞字以經文爲註文之誤據朱謀埠水經注校本潭水注之之字爲溫字注云潭水注之實爲潭水注溫此是經文雜入注中試以經文証之如存水出犍爲郁鄆縣東南至鬱林定周縣爲周水又東北至潭中縣注於潭而潭之去處無文又溫水出牂牁

夜郎縣又東至鬱林廣鬱縣爲鬱水又東至領方縣東與斤南水合東北入於鬱而鬱之去處無文惟經文東北入於鬱五字後注文內東入阿林縣五字之下有潭水注溫四字若抽作經文則此四字恰爲溫潭兩水之結束於文字次第亦順更以注文証之於經文東北入於鬱後叙鬱水由夜郎東經稟牂牁東南逕毋斂縣又逕鬱林廣鬱縣爲鬱水又東北逕領方縣卽繼以前所引東逕布山下至東入阿林縣五十七字可謂經因注明注爲經作不溢不漏則其下潭水注溫四字必另爲一行原屬經文無疑貴縣志沿用譌本以溫爲之認

經爲注遂謂潭水直注阿林不知以完全注文玩之溫水實在縣之東南阿林實在溫水之東若謂潭水直注阿林則潭水當爲大黃江而非今北江矣貴縣志知其難通不得已隱去注文逕中留縣南與溫水合一語以求曲合其說尤非實事求是之旨其誤一攷四庫全書總目言酈道元水經注傳寫多譌自明以來無善本經語注文率多混淆貴縣志所引蓋非可信之善本據此則彼以鬱水東入阿林潭水注之兩語定桂平爲阿林而非布山之說可破第四當知漢布山縣地之範圍前據一統志及紀要云布山在府西五十里此徒就城治而

桂平縣志卷三

紀地 沿革

七

粵東編譯公司承印

言今攷唐有大賓縣爲布山縣通典地在潯東四十里寰宇記

卽爲今姜里地姜里有陵江縣在府北漢布山縣地紀要

亦爲今崇姜里地方輿紀要見後古蹟并以夏府志所言大同陽

川二里觀之則府城以西潭水潭水即今北江以東下至平南

西境俱在漢布山範圍而貴縣志以阿林爲布山下流之說更可破夫攷古者特以明是非當無此疆彼界之見布山之或爲桂平或爲貴縣何關兩地之榮辱而研求沿革爲治地學者所難苟故先列諸說而辨証如左

晉南越爲郡十七鬱林與焉屬廣州爲縣九縣仍爲布山

阿林與新邑晉平鬱平領方宋齊因之

武熙安廣始建爲九

梁 置桂平郡縣為郡治桂平二字始見於此布山阿林二

縣仍屬鬱林按漢時自今縣治以東至平南大境為之川俱

於隋之大賓縣由桂平可柝置則大

隋 南越外為郡十八永平鬱林與焉按鬱林郡梁置定州

初為尹州大業永平為縣十一鬱林為縣十二縣為桂平阿

林皇化俱屬鬱林郡山與鬱林鬱平領方馬度皇化甯浦樂

二里開皇十一年蹟大業阿林置省在今桂平一又為大賓屬永平郡

與永平武林隋建安五年戎咸甯人為漢布山地在今姜一

賓山古蹟

按隋以前有武平縣建置無攷隋時與布山縣俱廢入

### 桂平縣志卷三

紀地沿革

八

粵東編譯公司承印

鬱林今武平縣在

唐 南越外為州七十潯州繡州與焉屬嶺南道繡州武德

舊阿林縣地在今縣南潯州貞觀七年置十二年廢後復

天寶元年改曰潯江乾元元年復為潯州其地在今縣西

及縣東北各里即漢布山地始置南

化大賓屬潯州屬大賓州七年屬武德四年屬藤州貞觀三年

州屬潯州十二年隋武德廢屬州旋復屬潯州宣化即皇

化地見十二年武德廢屬州旋復屬潯州又為常林羅繡阿

林屬繡州林常柝置地詳古蹟

按杜佑通典載邑境在唐代為兩州六縣乃據貞觀十

二年以後之制其前別有陵江縣屬潯州地在今崇姜

里卽明代之崇江里貞觀十年置十二年省入桂平又有歸城盧越兩縣屬繡州武德四年柝阿林縣置貞觀六年省入常林仍移治廢歸城故城盧越省入羅繡俱見

新舊唐書

五代 繡州潯州俱屬南漢潯州領桂平皇化二縣大賓省

入桂平繡州領三縣仍唐舊制

夏府志

按袁舊志云五代時潯州屬有桂平楚南漢以桂平屬為潯州治

宋 南越外為州三十七潯州與焉屬廣西路

開寶五年廢繡州以其地

入容州普甯縣領縣二縣為桂平

與平南為二皇化開寶五年桂平屬貴州併省

### 桂平縣志卷三

紀地 沿革

九

粵東編譯公司承印

省屬潯州常林羅繡入桂平既廢併桂平之統各縣而為一自斯始

元 設潯州路屬廣西道領縣二縣屬仍為桂平

皆乃宋舊

明 改潯州路為潯州府屬廣西布政司領縣三

洪武二年以貴州為

貴州屬潯州桂平與焉

清 沿明制為潯州府廣西省領縣四

以象州之武宣入焉

縣屬仍舊

民國 廢府存縣縣制仍清舊